

Священный Синод Украинской Православной Церкви призвал духовенство, монашество и мирян к усиленной молитве и утвердил текст молитвы и прошения на сугубой ектении, которые необходимо возносить за Божественной литургией в течение периода коронавирусного карантина. Об этом сообщает [Информационно-просветительский отдел УПЦ со ссылкой на Канцелярию Киевской Митрополии](#).

Молитва во время губительного поветрия и смертоносных заразы

Бо́же Вели́кий и Вы́шний, Благоутро́бный и Человеколю́бный Влады́ко, услы́ши нас недостойных рабо́в Твои́х, во мно́жестве ми́лости Твоея́ и низпосли́ нам по́мощь Твою́ во вре́мя наше́ствия боле́зни губи́тельныя на род челове́ческий, Твоею́ Кро́вию иску́пленный.

Ве́мы Го́споди, яко согреши́хом пред Лице́м Твои́м и грехо́м на́шим несть числа́ . Но умилосе́рдися и отврати́ от нас гнев Твой пра́ведный на ны дви́жимый. Не прогне́вайся на ны зело́ , Ты бо рекл еси́ , яко ра́дость быва́ет на небеси́ о еди́ном грешни́це ка́ющемся. Приими́ ны́не и на́ше покая́ние, слёзы и смире́нныя моли́твы возно́симыя из глубины́ серде́ц на́ших пред святы́м олтарём Твои́м.

Отче щедро́т, Бо́же вся́кого утеше́ния, укрепи́ ны моли́твами Преблагослове́нныя Влады́чицы на́шея Богоро́дицы, си́лою Честна́го и Животворя́щего Креста́ , свята́го вели́комученика и целите́ля Пантелеи́мона, святителя́ Луки, исповедника Кры́мскаго, святы́х враче́й и целите́лей на́ших: Ага́пита, Дамиа́на, Ипа́тия Пече́рских и Все́х святы́х земли́ на́шея и прекрати́ боле́зненное пове́трие и отжени́ от нас вся́кую боле́знь и не́мощь, да изба́вльшеся от вся́кия напа́сти Рукóю Твоею́ кре́пкою, порабо́таем Ти со вся́ким благодаре́нием. Да я́ко и ны́не причаща́ющеся Твоего́ неизглаго́ланнаго Человеколю́бия, поём и сла́вим Тя, Творя́щаго вели́кая и чу́дная, сла́вная же и изря́дная.

Яко Ты еси́ Исто́чник исцелёний, Бо́же наш, и Тебе́ сла́ву возсыла́ем, Отцу́ и Сы́ну, и Свято́му Ду́ху, ны́не и при́сно, и во ве́ки веко́в. Ами́нь.

Прошения на сугубой ектении

Милостивно призри, Господи, на недуги и болезни людей Твоих, и умиласердися, мы бо в покаянии Тебе исповедающеся зовем, скоро услыши нас и помилуй.

Ещё молимся, о еже прияти Богу покаяние нас, грешных рабов Своих, и очисти нас от грехов наших, и беззакония наша отъяти от нас; рцем вси: Господи, услыши и милостивно помилуй.

Ещё молимся Тебе, Господу Богу нашему, о еже явити нам милости Своя великия и устави болезненное поветрие сие, недугующих же исцелити и здравие подати; молим Ти ся, услыши и помилуй.

Призри Владыко Человеколюбче на жертвенный подвиг врачей наших, последи им здравие непоколебимое, силу и крепость духа, мудрость к совершению трудов во благо народа нашего и сотвори чрез них исцеление страждущим рабам Твоим, прилежно молим Ти ся [скоро услыши и помилуй](#).